

PRIJEDLOG

Na osnovu člana 78. stav 2. Zakona o prostornom uređenju ("Službene novine Kantona Sarajevo", broj 7/05), člana 14. Zakona o privremenom korištenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12, 24/15) i čl. 23. i 55. Statuta Općine Ilijaš - Prečišćeni tekst ("Službene novine Kantona Sarajevo", broj 20/09), Općinsko vijeće Ilijaš na 38. sjednici održanoj dana . 02. 2016. godine donijelo je

O D L U K U

O USVAJANJU "ELABORATA O PRIVREMENOM KORIŠTENJU JAVNIH POVRŠINA ZA POTREBE POSTAVLJANJA SLOBODNOSTOJEĆIH REKLAMNIH PANOJA NA PODRUČJU KANTONA SARAJEVO" ZA OPĆINU ILIJAŠ

I

Usvaja se "Elaborat o privremenom korištenju javnih površina za potrebe postavljanja slobodnostojećih reklamnih panoa na području Kantona Sarajevo" za Općinu Ilijaš (u daljem tekstu: Elaborat), koji je izradio Zavod za planiranje razvoja Kantona Sarajevo.

II

Elaboratom se uređuju tehnički uslovi za postavljanje reklamnih elemenata, odnos prema slobodnostojećim panoima koji nisu obuhvaćeni ovim elaboratom, tipovi plakata, te grafički prikaz mikrolokaliteta.

III

Elaborat je javni dokument, koji se nalazi kod Službe za prostorno uređenje i stambeno-komunalne poslove Općine Ilijaš.

IV

Ova odluka stupa na snagu danom objavljivanja u "Službenim novinama Kantona Sarajevo".

Broj: 01/1-02- /16
Ilijaš, . 02. 2016. godine

Predsjedavajući Općinskog vijeća Ilijaš

Damir Filipović, dipl. pravnik

O b r a z l o Ź e n j e

U skladu sa članom 78. stav 2. Zakona o prostornom uređenju ("Službene novine Kantona Sarajevo", broj 7/05) i članom 14. Zakona o privremenom korištenju javnih površina na području Kantona Sarajevo ("Službene novine Kantona Sarajevo", br. 20/04, 32/10, 26/12, 32/12, 24/15) postavljanje slobodnostojećih reklamnih panoa i slobodnostojećih displeja na javnim površinama vrši općinska služba za urbanizam na osnovu elaborata koji izrađuje Zavod za planiranje razvoja Kantona Sarajevo. Za područje općine izvan teritorije Grada elaborat donosi Općinsko vijeće.

Elaborat utvrđuje veličinu, izgled i tip reklamnih panoa i displeja, uslove korištenja itd.

Zavod za planiranje razvoja Kantona Sarajevo izradio je Elaborat na osnovu Ugovora o izradi "Elaborata o privremenom korištenju javnih površina za potrebe postavljanja slobodnostojećih reklamnih panoa na području Kantona Sarajevo", koji je zaključen između Zavoda za planiranje razvoja Kantona Sarajevo, Grada Sarajevo, te općina Ilidža, Vogošća, Ilijaš, Hadžići i Trnovo.

Svi slobodnostojeći reklamni panoi, koji nisu postavljeni na osnovu odobrenja za građenje, a nisu obuhvaćeni ovim Elaboratom, postaju bespravne građevine i vlasnici takvih građevina imaju obavezu da uklone te građevine.

Sredstva za izradu Elaborata doznačena su u skladu sa ugovorom Zavodu. Koristi će se procijeniti naknadno.

Predlaže se da Općinsko vijeće uvrsti Prijedlog Odluke o usvajanju "Elaborata o privremenom korištenju javnih površina za potrebe postavljanja slobodnostojećih reklamnih panoa na području Kantona Sarajevo" za Općinu Ilijaš na dnevni red 38. sjednice Općinskog vijeća Ilijaš, te da istu usvoji u predloženom tekstu.

Usvojeni Elaborat će se uvrstiti u jedinstveni Elaborat za područje cijelog Kantona Sarajevo.

Nosilac stručne obrade: Služba za prostorno uređenje i stambeno-komunalne poslove Općine Ilijaš

Predlagač: Općinski načelnik